

Umhverfisstofnun  
Bjarni Pálsson,  
deildarstjóri lífríkis og veiðistjórnunar  
Suðurlandsbraut 24  
108 REYKJAVÍK

Garðabær, 10. maí 2013

2013050002/43-0

TB, OKN, KHS

tb

### **Umsókn um leyfi til að mynda Þórshana**

Vísað er til bréfs frá Umhverfisstofnun, dags. 30. apríl sl., þar sem óskað er eftir umsögn Náttúrufræðistofnunar Íslands um umsókn Haralds Jóhannessonar um leyfi til að nálgast hreiður þórshana í tengslum við fuglaskoðunarferðir í Flatey á Skjálfanda. Einnig er vísað í álit Yanns Kolbeinssonar, Náttúrustofu Norðausturlands og Jóhanns Óla Hilmarssonar, formanns Fuglaverndar.

Náttúrufræðistofnun telur ekkert eðlilegra en að fólk vilji skoða fugla og aðra náttúru landsins og eins og með svo margt vill fólk oft skoða það sem er sérstakt, sjaldgæft eða óvenjulegt. Það er jafnframt mjög eðlilegt að ferðaþjónusta nýti sér þennan áhuga ferðamanna. Í framangreindri umsókn Haralds Jóhannessonar kemur skýrt fram að fyrirtæki hans vill byggja sýna starfsemi m.a. á forsendum náttúruverndar. Friðun sjaldgæfра fuglategunda er ein aðferð til að reyna að koma í veg fyrir að sjaldgæfar tegundir hverfi annað hvort af ákveðnum svæðum eða hreinlega deyi út. Um hvoru tveggja eru til ótal dæmi. Truflun og/eða t.d. eyðileging búsvæða eru vel þekktar ástæður þess að tegundir hafa horfið af ákveðnum svæðum.

Í áliti Yanns Kolbeinssonar og Jóhanns Óla Hilmarssonar ægir saman túlkun þeirra á reglugerðarákvæðum, sem Náttúrufræðistofnun er reyndar ósammála, rannsóknaverkefnum og vöktun á þórshana, ferðaþjónustu, greiðslum til Fuglaverndar og tillögum að leyfisveitingum. Ekki kemur fram hvort álit tvímenninganna er skrifað af þeim sem einstaklingum eða hvort um er að ræða opinbera afstöðu Náttúrustofu Norðausturlands og Fuglaverndar. Bæði Yann og Jóhann Óli er þekktir ljósmyndarar sem m.a. hafa haft starf að því að vera leiðsögumenn fyrir ferðamenn / fuglaljósmyndara, sem slíkir teljast þeir ekki óháðir aðilar. Í fyrrgreindu áliti fer lítið fyrir mati á hvort svo fá'iðaður fugl eins og þórshaninn þoli aukna truflun þegar beinlínis er farið að gera út á varpstöðvar fuglsins. Vissulega er ekki auðvelt að komast í Flatey á Skjálfanda en ef verður að skipulögðum ferðum í eyna þá verður breyting þar á. Fuglaskoðunarferðir þarf að auglýsa með einhverjum hætti og eykur það vitneskju um varpstöðvar þórshanans, sem er óhagstætt út frá verndarsjónarmiðum. Til eru dæmi i um þórshanaslóðir sem voru vinsælar hjá ferðamönnum og fuglafræðingum en eru nú liðnar undir lok þ.e. Garðskaginn og Eyrarbakki. Báðum



álitsgjöfum er fullkunnugt um hve þórshanastofninn er líttill og varpstaðir fáir.

Náttúrufræðistofnun getur ekki mælt með skipulögðum fuglaskoðunarferðum á varpstaði þórshana í Flatey á Skjálfanda eða á nokkurn annan varpstað þeirra á Íslandi. Stofninn er líttill og það ber ekki að taka neina áhættu með hann.

Virðingarfyllst



Jón Gunnar Ottósson  
forstjóri



Trausti Baldursson

